

Tet vnd gab Sems ee
Nach fluch vnd auch als in der seggen
Bezaichenleich wart gewegen
Den chinde von irem vater do
Nu ditz geschehen was also
Sems Taphet vnd cham di chint
Die von Noe geporn sint
In disen selben stunden
Zechinden do begonden
Vnd gewinnen ymmer iares zil
Chindes chinder chint vil
Taphetus sin tut vns bechant
Di geschrift si waren sus genant
Gomer magos vnd Maday
Nu horet auch wer der ander sey
Taan Tubal masech Churas
Gomer dez namder erst was
Memez vnd Ziphar Gewan als dort
Geschriben stat vnd eien son hiez togoma
Taaia gewan Elysa
Da bei Tharsis vnd thethim
Der werde hiez Chodaim
Der funfzehen geslechte chint
Die alhie genener sint
Wachsen nach der selben zeit
In funfzehen geslechte seit
Von den die Inseln vnd di lant
Der lant yn ze erbe wart benant
Zertailt von dem ir chynne ir diet
Als ir geslachte ir tail beschiet
In irn tail der lande
Den ir loz in benande
Nach der erden gelegenheit
Als euch her nach wirt gesait
Von Chame wurden do geporn
Die yn ze chinde waren erhorn
In seinem chynne seit nach ym
Thus vnd Meffraim
Sin vnd Chamaam
Die ich vor hie genent han

Thus der genam Sabba
Suila vnd Sabata
Pegina gewan sund man
Zechinde Saba vnd dadan
Thus auch dar zy Nemrot gewan
Der selbe was der erste man
Der do auf der erde
Mit gewaltichleicher wurde
Sich vnd want mit frecher chraft
Gewalt vnd herschaft
Als in sein vber mit berwanck
Seines gewalt vne ranch
Was Babylonie vnd ach
Do man yn erste gewaltich sach
Dar zy het er gewalt vne me
Daz was archad vnd Chlame
In dem lande insennaar
Dar aus entwichen ym für war
Assur vnd stift Ninie
Bei den zeiten Cale
Die vest dy auch chrestig schem
Besen entzwischen disen zwain
Stift auch assur den ich nand e
Zy Ninie vnd zy Cale
Von Nemrot vns her schaft
Von seines gewalt vns chraft
Hub sich em wider rede do
Mit einem Bispel also
Weis storch also Nemrot
Der selb Nemrot gepot
Den leuten daz weip vnd man
Für got daz feuer peten an
Eines gewalt vns tail nach ym
Meffraim gewan ludym
Anaim vnd laabim
Nepurrim vnd fetusym
Der sechste hiez besloym
Von dem Chomen phyllystim
Vnd Capturim die haydenschaft
Dy sider mit gewalt vns chraft